

AKHBAR : KOSMO  
MUKA SURAT : 14  
RUANGAN : NEGARA

## Sifar malaria menjelang tahun depan

KUALA LUMPUR - Kementerian Kesihatan Malaysia (KKM) menyasarkan Malaysia diiktiraf sebagai negara 'sifar malaria manusia jangkitan tempatan' oleh Pertubuhan Kesihatan Sedunia (WHO) menjelang tahun 2020.

Ketua Pengarah Kesihatan, Datuk Dr. Noor Hisham Abdullah berkata, untuk tujuan tersebut Malaysia perlu komited dalam usaha mengekalkan status 'sifar malaria manusia jangkitan tempatan' bagi tiga tahun berturut-turut.

"KKM kini giat mempersiapkan pasukan kesihatan di semua peringkat bagi menghadapi proses audit pensijilan eliminasi malaria oleh WHO yang mana menerusi Inisiatif



NYAMUK betina spesies Anopheles merupakan penyebab penyakit malaria. – Reuters

Program Eliminasi Malaria di Malaysia telah menunjukkan kejayaan pengurangan kes berkenaan.

"Inisiatif Program Eliminasi Malaria di Malaysia berjaya dikurangkan daripada 4,164 kes pada tahun 2011 kepada sifar

kes pada tahun 2018 sekali gus menunjukkan kita berada di landasan betul berhubung sasaran eliminasi sifar malaria itu," katanya dalam satu kenyataan di sini semalam.

Bagi merealisasikan sasaran itu, Noor Hisham berkata, penglibatan dan kerjasama semua pihak terutama pemain industri berkaitan sektor perladangan, perhutanan, pertanian, kawalan keselamatan dan rekreasi hutan diperlukan bagi melindungi pekerja dari pada dijangkiti malaria.

KKM juga berharap pihak industri dapat memastikan semua pekerja asing melalui pemeriksaan perubatan termasuk saringan malaria mengikut polisi ditetapkan kerajaan. – Bernama

**AKHBAR : KOSMO****MUKA SURAT : 11****RUANGAN : NEGARA**

## Beguk di Terengganu makin serius

**KUALA TERENGGANU** – Penularan penyakit mumps atau beguk di negeri ini semakin membimbangkan dan mencatat peningkatan ketara berbanding pada tahun lalu.

Pengarah Kesihatan negeri, Dr. Mohd. Jusoh berkata, dalam tempoh empat bulan pertama tahun ini, sebanyak 114 kes penyakit itu dilaporkan berbanding 118 kes sepanjang tahun lalu.

Katanya, wabak tersebut dikesan menular di beberapa sekolah, rumah persendirian, sekolah pondok dan madrasah.

“Sehubungan itu, semua pihak perlu terus mencegahnya dengan mengambil beberapa langkah awal seperti mendapatkan rawatan di klinik kesihatan, mengasingkan pesakit dan tidak mem-



ANTARA gejala beguk ialah bengkak di leher menyebabkan sukar untuk menelan makanan. – Gambar hiasan

bawanya ke tempat awam untuk mengelak jangkitan,” katanya ketika dihubungi Bernama di sini semalam.

Terbaharu, beberapa pelajar di sebuah sekolah menengah berasrama di Kuala Terengganu dijangkiti penyakit itu dan sedang dikuarantin di rumah masing-masing.

Ditanya sama ada sekolah akan ditutup berikutkan wa-

bak itu, Mohd. berkata, kebiasaan hanya pelajar terabit dikuarantin di rumah, namun sekiranya jumlah pelajar dijangkiti terlalu ramai, pihak pengurusan boleh menutup sekolah.

Kuala Terengganu adalah daerah tertinggi merekodkan penyakit itu diikuti Hulu Terengganu, Kuala Nerus dan Dungun.